

te Salomonè, si non divino, redimitum. Videras faciem livido cruore
madidam? nunc cœlesti pulcritudine resplendet. Fauces arescentes? nunc
consolationis gratissimâ salivâ dulcuerunt. Manus clavis trabalibus
confixas? nunc regia statuentes tropæa. Pedes constrictos & alligatos?
nunc celeres & expeditos. Nimirum verè cecinit Haggæus: Major erit
gloria domus hujus novissimæ quàm prioris. Hoc fuit tem-
plum illud corporis Dominici, quod ἐν τῆσιν ἡμέραις iterū erexit Omnipotens
DEI Filius. Tanto major Isaaco, qui tertio die itineris denuo quasi
vivificabatur; Iosepho, qui tertio demum anno è carcere liberabatur;
Jonâ, quem tertio die balena evomere cogebatur; quanto hi omnes ab
aliis erigebantur, Ipse verò seipsum suscitavit, seipsum liberavit, seipsum
vivificavit. Et credere nolles? Spē cupis? Oseas intimat. Charitatis
flammam desideras? Idem subministrat. Nam quid aliud vult dicere,
quando dicit, Vivificabit nos post duos dies, tertio die
nos suscitabit, ut coram ipso vivamus? Quis credere
nollet? quis sperare abnueret? diligere tergiversaretur?
Sanè si caput præcesserit, non possunt non sequi membra
religiosa: si Perruptor prævit, tota omninò acies insequetur:
premet enim & comitabitur, premet reluctantes, comitabitur
aggregatos. Nam si credimus, quod JESUS mortuus est &
resurrexit, sic & Deus eos, qui obdormierunt per JE-
SUM, adducet cum illo. Deus certè & Dominum JE-
SUM suscitavit, & nos per suam potentiam suscitabit.
Itaq; mi Christiane, spem tuam corrobora, fidem exadifica. Sed &
charitatem tuam exsuscita. Audis Paullum: Quemadmodum
excitatus est Christus ex mortuis per gloriam Patris,
ita & nos in novitate vitæ ambulemus; Expergiscere
qui dormis, & surge à mortuis, & illucescet tibi Christus.
Surge, inquam, à somno incredulitatis, à somno securitatis, à somno ino-
bedientiæ, à somno superbiæ, lasciviæ, avaritiæ, immisericordiæ, odij &
inimicitiarum, quod jam olim Romanos atq; Ephesios suos monuit sæpius
laudandus Apostolus. Diaboli catulus fuit ille Catullus, qui scripsit.
Vivamus